



БУЛГАН АЙМГИЙН ЗАСАГ ДАРГЫН
ЗАХИРАМЖ

2022 оны 06 сарын 16 өдөр

Дугаар А/385

Булган сум

Хамтарсан хяналт шалгалт зохион
байгуулах тухай

Монгол Улсын засаг захиргаа, нутаг дэвсгэрийн нэгж, түүний удирдлагын тухай хуулийн 66 дугаар зүйлийн 66.1, Байгаль орчныг хамгаалах тухай хуулийн 16 дугаар зүйлийн 16.2.4, Ашигт малтмалын тухай хуулийн 12 дугаар зүйлийн 12.1.3, Байгаль орчинд нөлөөлөх байдлын үнэлгээний тухай хуулийн 9 дүгээр зүйлийн 9.12, Усны тухай хуулийн 12 дугаар зүйлийн 12.1.1 дэх заалт, аймгийн иргэдийн Төлөөлөгчдийн Хурлын 2022 оны 3 дугаар сарын 29-ний өдрийн IX/16 дугаар тогтоолын 3 дугаар хавсралтыг тус тус үндэслэн ЗАХИРАМЖЛАХ нь:

1. Уул уурхайн төсөл хэрэгжүүлэгчдийн 2022 оны Байгаль орчны менежментийн төлөвлөгөөний хэрэгжилт, "Тэрбум мод" үндэсний хөдөлгөөний хэрэгжилт, усны нөөцийн ашиглалт, хууль бус ашигт малтмал олборлох зөрчлийг илрүүлэх, таслан зогсоох чиглэлээр хяналт шалгалтын ажлыг 2022 оны 06 сарын 23-наас 06 дугаар сарын 30-ны өдрийн хооронд зохион байгуулсугай.

2. Хяналт шалгалтын ажлын удирдамжийг нэгдүгээр, шаардагдах зардлын тооцоо, замын маршрутыг хоёрдугаар хавсралтаар тус тус баталсугай.

3. Хяналт шалгалтын ажилд шаардагдах зардал 970 400 (есөн зуун далан мянга дөрвөн зуу) төгрөгийг Байгаль хамгаалах нөхөн сэргээх арга хэмжээний зардлаас гаргахыг Байгаль хамгаалах сангийн нягтлан бодогч (Б.Очирсүрэн)-д зөвшөөрсүгэй.

4. Хяналт шалгалтын ажлыг удирдамж, графикийн дагуу зохион байгуулж, шаардагдах хүн хүч, унаа техникээр тухай бүрд нь хангаж хамтран ажиллахыг Байгаль орчин, аялал жуулчлалын газрын дарга (А.Гантөмөр), Мэргэжлийн хяналтын газрын дарга (Б.Батболд), Цагдаагийн газрын дарга, Цагдаагийн хурандаа (Л.Ганбаатар), сумын Засаг дарга нарт тус тус үүрэг болгосугай.

ЗАСАГ ДАРГА



Б.АРИУН-ЭРДЭНЭ

630020485

Аймгийн Засаг даргын 2022 оны 06 дугаар
сарын 16-ний өдрийн А/38.5 дугаар
захирамжийн нэгдүгээр хавсралт

Хамтарсан хяналт шалгалт хийх ажлын удирдамж

Нэг. Шалгалтын зорилго

Байгаль орчныг хамгаалах тухай, Ашигт малтмалын тухай хууль, Байгаль орчинд нөлөөлөх байдлын үнэлгээний тухай хууль, Усны тухай хууль, Байгалийн нөөц ашигласны төлбөрийн тухай хууль, Зөрчлийн тухай хууль, тогтоомжуудын хэрэгжилтийг шалган илэрсэн зөрчлийг арилгаж, мэргэжил арга зүйн зөвлөгөө өгч хуулийн хэрэгжилтийг хангах зорилготой.

Хоёр. Шалгалтад хамрагдах хүрээ:

Бүрэгхангай, Дашинчилэн сумдын нутаг дэвсгэрт үйл ажиллагаа явуулж байгаа уул уурхайн үйлдвэрлэл эрхлэгч аж ахуйн нэгж, бичил уурхай эрхлэгч нөхөрлөлүүд хамрагдана.

Гурав. Хяналт шалгалтын бүрэлдэхүүн, хугацаа:

3.1. Шалгалтын бүрэлдэхүүн:

- Аймгийн Засаг даргын орлогч
- Байгаль орчин, аялал жуулчлалын газар-3
- Мэргэжлийн хяналтын газар-1
- Цагдаагийн газар-1
- Сумын Байгаль орчны хяналтын улсын байцаагч, Газрын даамал, Байгаль хамгаалагч, Татварын байцаагч

3.2. Хяналт шалгалтыг 2022 оны 06 сарын 27-ноос 06 дугаар сарын 30-ны өдөр хүртэлх хугацаанд хяналт шалгалтын ажлыг маршрутын дагуу явуулна.

Дөрөв. Хийж гүйцэтгэх ажил

4.1. Уул уурхайн төсөл хэрэгжүүлэгчдийн 2022 оны Байгаль орчны менежментийн төлөвлөгөөний хэрэгжилт, "Тэрбум мод" үндэсний хөдөлгөөний хэрэгжилтэд хяналт тавих.

4.2. Ус ашиглах гэрээний хэрэгжилт, усны дүгнэлт төлбөрийн гүйцэтгэлд хяналт тавих.

4.3. Хууль бус ашигт малтмал олборлох зөрчлийг илрүүлэх, таслан зогсоох арга хэмжээ авах.

4.4. Засгийн газрын 151, 355 дугаар тогтоолын хэрэгжилт.

4.5 Байгаль орчны хяналт шинжилгээний хөтөлбөрийн хэрэгжилт, нөхөн сэргээлтийн байдалд үнэлэлт өгөх.

Тав. Шалгалтын дүнг тайлагнах

5.1. Шалгалтаар илэрсэн зөрчил, авсан арга хэмжээ, цаашид хэрэгжүүлэх арга хэмжээний талаар танилцуулга бичиж, аймгийн Засаг даргын Тамгын газрын Хөгжлийн бодлого төлөвлөлт, хөрөнгө оруулалтын хэлтэс болон сумын Засаг даргад танилцуулж, нийтэд мэдээлж ажиллана.

Аймгийн Засаг даргын 2022 оны 06 дугаар
сарын 16-ний өдрийн А/385 дугаар
захирамжийн хоёрдугаар хавсралт

Уул уурхайн хяналт шалгалт хийх замын маршрут

№	Хяналт шалгалт явуулах чиглэл	Явах замын хэмжээ (км)	Хугацаа (өдөр)
1	Булган-Бүрэгхангай	80	
2	Бүрэгхангай сумын нутаг дэвсгэрт	350	2
3	Бүрэгхангай-Дашинчилэн	70	
4	Дашинчилэн сумын нутаг дэвсгэрт	150	1
5	Дашинчилэн-Булган	150	
Нийт		800	3

Хяналт шалгалтын ажилд шаардагдах шатахуун, томилолтын зардал
(Төгрөг)

№	Хийгдэх ажил	Тоо хэмжээ	Нэг бүрийн өртөг	Нийт өртөг
1	Шатахуун	$800 \cdot 17 / 100 = 136$ л	3430	466480
2	Томилолт хүн/өдөр	$7 \cdot 3 = 21$	24000	504000
Нийт				970400